

Saksprotokoll i fylkesutvalet - 22.02.2018

Tom Sverre Tomren (MDG) sette fram slikt forslag:

«Nytt punkt 5:

Fylkestinget vedtek at kontorkonseptet blir tilpassa den enkelte arbeidstakar sine arbeidsoppgåver og behov.»

Røysting

Innstillinga punkt 1 vart vedteken som innstilling til fylkestinget mot 1 røyst (SV).
Fylkesrådmannen sitt forslag punkt 2, 3 og 4 vart samrøystes vedteke som innstilling til fylkestinget.
Tomren sitt forslag fekk 2 røyster (MDG, SV) og fall.

Innstilling til fylkestinget

1. Fylkestinget vedtek eit aktivitetsbasert kontorkonsept for nytt fylkeshus, med føresetnader, som anbefalt i rapporten «Rapport om utvikling av kontorløsning for nytt fylkeshus», gitt av prosjektgruppa og styringsgruppa.
2. Fylkestinget vedtek at dagens fylkeshus i Agnes Mowinckels gate 5 skal vere framtidig lokalisering av fylkesadministrasjonen og politisk leiing i fylkeskommunen. Rådmannen bes komma attende til sak om finansiering og eigarskap av fylkeshuset i juni 2018.
3. Fylkestinget ber rådmannen setje i verk arbeidet med å finne aktuelle midlertidige lokalar for ein rehabiliteringsperiode. Hovudprinsippa for søk etter midlertidige lokalar er sentrumsnær plassering, god kollektivdekning, akseptabel leigepris, god nok kvalitet på lokala og i størst muleg grad samla administrasjon. Aktuelle leigeavtaler blir framlagt for fylkestinget til godkjenning.
4. Fylkesrådmannen får i oppdrag å programmere eit nytt fylkeshus i Agnes Mowinckels gate 5, i tråd med reguleringsplanen frå Bergen kommune og behov til brukarane. Programmering blir framlagt for fylkestinget til godkjenning.